



ინფორმაციის თავისუფლების  
განვითარების ინსტიტუტი

## ოკუპირებულ ტერიტორიებზე მცხოვრები პაციენტების სამედიცინო მომსახურების ხარჯები

*ანალიზი მომზადებულია პროექტის - საზოგადოების გაძლიერება კარგი მართველობის ხელშეწყობისთვის - ფარგლებში, რომელიც დაფინანსებულია ვიშეგრადის საერთაშორისო ფონდისა და ნიდერლანდების სამეფოს საგარეო საქმეთა სამინისტროს მიერ. კვლევის შინაარსზე პასუხისმგებელია ინფორმაციის თავისუფლების განვითარების ინსტიტუტი (IDFI). კვლევაში გამოთქმული მოსაზრებები შესაძლებელია არ გამოხატავდეს ვიშეგრადის საერთაშორისო ფონდისა და ნიდერლანდების სამეფოს საგარეო საქმეთა სამინისტროს პოზიციას.*



Government of the Netherlands

საკონტაქტო ინფორმაცია:

მის: ალ. გრიბოედოვის ქ. №3 0180, თბილისი  
ტელ: + 995 32 292 15 14  
ელ-ფოსტა: info@idfi.ge  
ვებგვერდი: www.idfi.ge

ნოემბერი,  
2017

## ძირითადი მიგნებები

- 2014-2017 წლებში, აფხაზი და ოსი პაციენტების სამედიცინო ხარჯების სახელმწიფო ბიუჯეტიდან დაფარვის პროგრამის ფარგლებში სულ დაიხარჯა 16,935,074.81 ლარი, ხოლო სამედიცინო მომსახურება სულ 6,188-მა პაციენტმა მიიღო.
- 2014-2017 წლებში სახელმწიფო სამედიცინო დახმარებით მოსარგებლე პაციენტებს შორის უფრო მეტი იყო აფხაზი (3,595), ვიდრე ოსი (2,650).
- 2014-2016 წლებში სახელმწიფო ბიუჯეტიდან დაფინანსებული სამედიცინო მომსახურებით მოსარგებლე პაციენტების რაოდენობა 2.4-ჯერ გაიზარდა, ხოლო ბიუჯეტიდან გამოყოფილი თანხა თითქმის გაორმაგდა.
- 2014-2016 წლებში სახელმწიფო ბიუჯეტიდან დაფინანსებული სამედიცინო ტრანსპორტირებით მოსარგებლე პაციენტების რაოდენობა 50%-ით გაიზარდა, ხოლო ბიუჯეტიდან გამოყოფილი თანხა თითქმის გაორმაგდა.
- 2014-2017 წლებში სახელმწიფო სამედიცინო დახმარებით მოსარგებლე პაციენტებს შორის უფრო მეტი იყო აფხაზი (3,595), ვიდრე ოსი (2,650). შესაბამისად, აფხაზი პაციენტების სამედიცინო მომსახურებაზე უფრო მეტი თანხა დაიხარჯა (აფხაზ პაციენტებზე – 9,759,689 ლარი, ოს პაციენტებზე – 8,098,078 ლარი)
- ოკუპირებულ ტერიტორიებზე მცხოვრები პაციენტები საქართველოს სამედიცინო დაწესებულებებს ყველაზე ხშირად ონკოლოგიის, ონკოჰემატოლოგიის დაავადების შემთხვევაში და მედიკამენტების მოთხოვნით მიმართავენ.

## შესავალი

ოკუპირებული ტერიტორიების მიმართ საქართველოს პოლიტიკის თანახმად, სახელმწიფო ვალდებულია, შეიმუშაოს ოკუპირებულ ტერიტორიებზე სამშვიდობო პროცესის საინიციატივო წინადადებები და ფორმატები, წარმართოს სამშვიდობო პროცესები და მონაწილეობა მიიღოს მათში. აღნიშნული პოლიტიკა ასევე გულისხმობს ოკუპირებულ ტერიტორიებზე (დროებით ოკუპირებული აფხაზეთის ავტონომიური რესპუბლიკა და ყოფილი სამხრეთ ოსეთის ა/ო) მცხოვრები პაციენტების მკურნალობის სახელმწიფო ბიუჯეტიდან დაფინანსებას. უფრო ზუსტად, სახელმწიფო ბიუჯეტიდან ფინანსდება ოკუპირებულ ტერიტორიებზე მცხოვრები არა-საქართველოს მოქალაქეების (შემდგომში, აფხაზი და ოსი პაციენტების) სამედიცინო მომსახურება, რაც ხორციელდება „რეფერალური მომსახურების სახელმწიფო პროგრამის“ ფარგლებში.


საკითხის აქტუალობიდან გამომდინარე, IDFI-მ საქართველოს შრომის, ჯანმრთელობისა და სოციალური დაცვის სამინისტროს 2014-2017 წლებში ოკუპირებული ტერიტორიებიდან საქართველოს სამედიცინო დაწესებულებებში სტაციონალური მომსახურებით მოსარგებლეთა სტატისტიკური მონაცემების მოთხოვნით მიმართა. სამინისტრომ კვლევის ფარგლებში [მოთხოვნილი ინფორმაცია](#) IDFI-ის სრულყოფილად მიაწოდა.


## ზოგადი მონაცემები

2014-2017 წლებში საქართველოს სამედიცინო დაწესებულებებმა ოკუპირებულ ტერიტორიებზე მცხოვრებ 6,188 პაციენტს გაუწიეს სამედიცინო მომსახურება (იხ. სურათი #1), რაზეც ჯამში სახელმწიფო ბიუჯეტიდან 16,935,074.81 ლარი დაიხარჯა. 2017 წლის სტატისტიკური მონაცემები 8 ნოემბრამდე პერიოდს მოიცავს.

სტატისტიკური მონაცემების მიხედვით, 2014-2016 წლებში სახელმწიფო ბიუჯეტიდან დაფინანსებული სამედიცინო მომსახურებით მოსარგებლე აფხაზი და ოსი პაციენტების რაოდენობა ყოველწლიურად იზრდებოდა. ამ პერიოდში პაციენტების რაოდენობა 2.4 ჯერ გაიზარდა, 941-დან (2014) 2,280-მდე (2016). 2017 წელს (8 ნოემბრამდე პერიოდისათვის) სახელმწიფო ბიუჯეტიდან დაფინანსებული სამედიცინო მომსახურებით 1,447-მა პაციენტმა ისარგებლა.

2014-2016 წლებში სამედიცინო მომსახურებაზე დახარჯული თანხა თითქმის გაორმაგდა (იხ. სურათი #2). 2016 წელს 83%-ით მეტი დაიხარჯა (5,782,505.96 ლარი), ვიდრე 2014-ში (3,166,603.24). 2017 წელს (8 ნოემბრისთვის) სახელმწიფო ბიუჯეტიდან 3,734,455.68 ლარი იყო დახარჯული.






### პაციენტების და მათზე გამოყოფილი თანხის განაწილება დაავადებების მიხედვით

ოკუპირებულ ტერიტორიებზე მცხოვრები პაციენტები საქართველოს სამედიცინო დაწესებულებებს ყველაზე ხშირად ონკოლოგიის, ონკოჰემატოლოგიის დაავადების შემთხვევაში, ასევე, მედიკამენტის მოთხოვნით მიმართავენ. 2014-2017 წლებში ჯამში საქართველოს სამედიცინო დაწესებულებებმა 1,478 ასეთი პაციენტი მიიღეს, რაზეც 3,180,638.76 ლარი დაიხარჯა (იხ. სურათი #3, #4 და #5).


აღსანიშნავია, რომ სამინისტროსგან მოწოდებული ინფორმაცია პაციენტების რაოდენობის შესახებ დაავადებების მიხედვით 2014-2015 წლებში მოიცავს სამედიცინო ტრანსპორტირების შემთხვევებს, ხოლო 2016-2017 წლებში პაციენტების რაოდენობა და სამედიცინო ტრანსპორტირების შემთხვევები განცალკევებულია.

სურათი #3 - პაციენტების და მათზე გამოყოფილი თანხის განაწილება დაავადებების მიხედვით		
დაავადებები	პაციენტების რაოდენობა (2014-2017)	გამყოფილი თანხა (2014- 2017)
ონკოლოგია/ონკოჰემატოლოგია/მედიკამენტი	1478	3,180,638.76
ზოგადი ქირურგია/გინეკოლოგია	957	1,858,005.34
ნეიროქირურგია/ნევროლოგია	673	2,361,900.7
კარდიოლოგია/კარდიოქირურგია	569	2,662,377.76
ჰეპატიტი/სხვა ინფექციური პათოლოგია	308	655,465.42
ოფთალმოლოგია	247	383,863.87
პულმონოლოგია	224	902,166.74
უროლოგია/ნევროლოგია	234	709,049.03
პოლიტრავმა/ტრავმა	223	1,181,173.55
ანგიოლოგია	100	452,896.13
კეთილთვისებიანი სიმსივნეები	28	67,856
საჭმლის მომნელებელი სისტემის დაავადებები	21	50,390.13
ენდოკრინოლოგია	17	35,590
სისტემური	9	22,437.16
სხვადასხვა	678	1,269,413.34
<b>სულ</b>	<b>6188</b>	<b>16,935,074.81</b>

### სურათი #4 - პაციენტების განაწილება დაავადებების მიხედვით




სურათი #5 -პაციენტებზე გამოყოფილი საერთო თანხის (ლარი) განაწილება დაავადებების მიხედვით



## პაციენტების და მათზე გამოყოფილი თანხის განაწილება საცხოვრებელი ადგილის მიხედვით

2014-2017 წლებში სახელმწიფო ბიუჯეტიდან დაფინანსებული სამედიცინო მომსახურებით უფრო მეტმა აფხაზმა პაციენტმა ისარგებლა (9,759,689.25 ლარი 3,595 პაციენტისთვის), ვიდრე ოსმა (8,098,077.68 ლარი 2,650 პაციენტისთვის) (იხ. სურათი #7).


სტატისტიკური მონაცემების თანახმად, ოსი პაციენტების რაოდენობა მხოლოდ 2014 წელს აჭარბებდა აფხაზი პაციენტების რაოდენობას. 2015 წელს დაფიქსირდა საპირისპირო დინამიკა, ხოლო 2017 წლისთვის აფხაზი პაციენტების რაოდენობა თითქმის 2-ჯერ აღემატება ოსი პაციენტების რიცხვს (იხ. სურათი #6).



რაც შეეხება პაციენტებზე გამოყოფილ თანხებს, 2014 წელს, პაციენტების რაოდენობის მსგავსად, მეტი თანხა დაიხარჯა ოს პაციენტებზე, ვიდრე აფხაზ პაციენტებზე. ხოლო 2015-2017 წლებში, საპირისპირო დინამიკა დაფიქსირდა.




სურათი #7- პაციენტებზე გამოყოფილი თანხის (ლარი)  
განაწილება პაციენტების საცხოვრებელი ადგილის მიხედვით




პაციენტების და მათზე გამოყოფილი თანხის განაწილება პაციენტების  
ასაკობრივი ჯგუფის მიხედვით

2014-2017 წლებში ჯამში სამედიცინო მომსახურება გაეწია 829 ბავშვს, რაზეც დაიხარჯა 2,298,246.11 ლარი და 5,415 ზრდასრულს, რაზეც 14,245,470.83 ლარი დაიხარჯა (იხ. სურათი #8 და #9).

სურათი #8 - პაციენტების განაწილება პაციენტების ასაკის მიხედვით



სურათი #9 - პაციენტებზე გამოყოფილი თანხის განაწილება პაციენტების ასაკის მიხედვით



## სამედიცინო ტრანსპორტირება

სახელმწიფო ბიუჯეტიდან ფინანსდება არა მხოლოდ ოკუპირებულ ტერიტორიებზე მცხოვრები პაციენტების მკურნალობის ხარჯები, არამედ მათი სამედიცინო ტრანსპორტირებაც. ამ შემთხვევაშიც, 2014-2016 წლებში, იმ პაციენტების რაოდენობა, რომლებსაც სამედიცინო ტრანსპორტირება გაეწიათ, გაიზარდა. კერძოდ, თუ 2014 წელს ეს რიცხვი 201 იყო, 2015 წელს - 231, ხოლო 2016 წელს 302 გახდა. (იხ. სურათი #10). პროპორციულად, 2014-2016 წლებში თითქმის გაორმაგდა სამედიცინო ტრანსპორტირებაზე დახარჯული თანხაც; კერძოდ, 70,007.45 ლარიდან (2014) 132,583.3 ლარამდე (2016) (იხ.სურათი #11).

